



Inatsisartunut ilaasortaq Lars Poulsen  
Siumut

**§ 37 naapertorlugu apeqqummut nr. 058/2025-mut akissut**

Matumuuna ataani apeqqutinut akissut nassiunneqarpoq.

Allakkat ullua: 15-07-2025  
Suliap normua: 2025 - 11984  
Allagaatip suussusaa:  
25419937

**1. Naalakkersuisut inatsisinik suliaqarnissamik pilersaaruteqarpat, inuttut akileraartarnermut aaqqissuussineq A-skati aamma B-skati avillugit atuutsinneqarnerat atorunnaarsissallugit?**

P. O. Box 1037  
3900 Nuuk  
Oqa. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**Akissut:**

Kalaallit Nunaanni akileraarusersueriaaseq pissarsiffimmit akileraarusiinnermik toqqammaveqarpoq. Tassa imaappoq sulisartup akissarsiat tigugaangagit, akileraarut akilernerqareertarpoq. Taamaammat A-mik isertitat, sulisitsisup ilanngaassutigisarlugillu akilertagaata (assersuutigalugu akissarsiat soraarnerussutisiallu) aamma B-mik isertitat, innuttaasup akileraarut nammineq akilertagaata (assersuutigalugu aningaasat pissarsiat namminersortumillu sulinnermi), akornanni immikkoortitsisoqartarpoq.

A-mik isertitanut periuseq, nammineertumik akileraarutininik nalunaarsuinnermik, kukkunernik ikinnerusunik, akileraarutininut akiligassanik pilersitsinnginnerunermik aammalu innuttaasumut oqartussaasunullu pisariinnerusumik aqutsisinnaanermik, kinguneqartarpoq.

A-mik aamma B-mik akileraarutit akornanni immikkoortitsisarnerup atorunnaarsinneqarnissaa pillugu aalajangersimasumik pilersaaruteqartoqanngilaq, kisianni periuttip ataavartumik pitsanngorsartarnissaa Naalakkersuisut sulissutigaa. B-mik isertitat arlallit A-mik isertitanut nuunneqareernikuupput, naalakkersuisooqatigiinnermullu isumaqatigiisummi 2025-imeersumi, inuussutissarsiutinut akileraarusiisarnermik aaqqissuusseqqinnerup ingerlanneqarnissaa anguniarneqarpoq.

Tassunga atatillugu akileraarusiisarnermi periutsimi allannguisoqarnissaa Inatsisartunit kissaatigineqassappat, Naalakkersuisut tusaalluarumaarpat. Tamanna pingaartumik akileraarusiisarnermi periutisini allannguutinut, aningaasaqarnikkut kajumissuseqalersitsinerup qaffariarneranut sunniuteqarsinnaasunut tunngasunut, tassani pilersorneqarnermiit imminut pilersornermut ikaarsaariarnermik malitseqartumik.

Inussiarnersumik Inuulluaqqusillunga

Mute B. Egede